

**Ed.**

**352. Frumvarp**

til laga um slysatrygging sjómanna.

(Eftir 2. umr. í Ed.).

**1. gr.**

Skylt skal að tryggja gegn slysum (sbr. 5. gr.) hjerlenda sjómenn, þá er hjer greinir:

1. farmenn og fiskimenn, er lögskráðir eru á íslensk skip,
2. fiskimenn á vjelbátum og róðrarbátum, fjórrónum eða stærri, er stunda fiskveiðar eina vertið á ári eða lengur.

**2. gr.**

Um leið og lögskráning fer fram, skal skráningarstjóri gera sjerstaka skrá yfir skipverja samkvæmt 1. gr., hverja stöðu sem þeir hafa á skipinu.

Pegar formaður á vjelbát eða róðrarbát (sbr. 1. gr.) hefir ráðið skipverja sina, skal bann jafnskjótt senda hrepptjóra eða bæjarsógeta, þar sem báturinn gengur, skrá yfir skipverjana ásamt gjaldi því, er greiða ber eftir 3. gr., en breppstjóri sendir skrána og gjaldið til sýslumanns. Skráningarástjóri skal senda skrá þessa og þá, sem nefnd er í fyrri málsgrein greinar þessarar, stjórn þeirri, sem nefnd er í 8. gr. laga þessara.

### 3. gr.

Fyrir hvern, sem trygður er samkvæmt lögum þessum, er skylt að greiða í slysatryggingarsjóð þann, er síðar getur um, iðgjald er nemur 70 aurum fyrir hverja viku, sem hann er lögskráður fyrir eða ráðinn í skiprúm, og reiknast iðgjaldið frá lögskráningardagi eða þeim degi, er hann kom í skiprúm. Annan helming iðgjaldsins greiði sá, sem trygður er, en útgerðarmaður hinn. Þó skulu útgerðarmenn róðrarbáta og vjelbáta, sem eru minni en 12 lestarir brúttó, að eins greiða 20 aura vikugjald fyrir hvern skipverja, en það sem á vantar fult iðgjald (15 aura á viku fyrir hvern) greiðist úr landssjóði. Útgerðarmaður greiðir skráningarástjóra iðgjöldin, bæði sinn bluta og hluta skipverjanna; þann hluta iðgjaldanna, sem útgerðarmaður hefir goldið fyrir hönd skipverja, fær hann endurgreiddan af kaupi þeirra eða hlut. Gjald þetta greiðist þegar lögskráning fer fram, og má taka það lögtaki. — Formaður vjelbáts eða róðrarbáts greiðir iðgjöldin fyrir útgerðarmaðn og skipverja til hrepptjóra eða bæjarsógeta (sbr. 2. gr.) gegn endurgjaldi af aðla bátsins eða hlutum skipverjanna. Gjald þetta má og taka lögtaki. Skráningarástjóri skilar iðgjöldunum í slysatryggingarsjóð samkvæmt nánari fyrirmælum stjórnaráðsins. Honum ber 3% í innheimtulaun af skipum, sem lögskráð er á, og 6% af róðrar- og vjelbátum, sem eru minni en 12 lestarir, og gengur helmingur gjaldsins til hrepptjóra, þar sem hann hefir innheimtuna á hendi.

### 4. gr.

Þeir, sem stunda fiskveiðar á róðrarbátum, en eru ekki tryggingarskyldir samkvæmt lögnum, hafa rjett til þess að tryggja sig í slysatryggingarsjóði á sama hátt sem tryggingarskyldir sjómenn, gegn 35 aura iðgjaldi á viku, og greiðist þá einnig úr landssjóði 35 aurar á viku fyrir hvern þeirra.

### 5. gr.

Verði sjómaður fyrir slysi á skipi á leið úr landi út í skip eða frá skipi í land, á því túnabili, er greitt hefir verið iðgjald fyrir samkv. 3. gr., skal úr slysatryggingarsjóði greiða upphæðir þær, er hjer segir.

- Verði sá, er fyrir slysi varð, að læknis dómi algerlega ófær til nokkurrar vinnu þaðan í frá, ber að greiða honum 2000 krónur, en að því skapi lægri upphæð, sem minna skortir á, að hann sje til fulls vinnufær, og ekkert, ef minna skortir en að  $\frac{1}{5}$  hluta.
- Valdi slysið dauða innan eins árs frá því að slysið varð, ber að greiða estirlátnum vandamönnum 1500 kr.

Rjett til skaðabótanna hafa vandamenn í þeirri röð sem hjer segir:

- Ekkja hins látna, hafi þau gifst áður en slysið varð og samvistum þeirra hafi þá eigi verið slitið.

2. Börn hins látna, skilgetin og óskilgetin, hafi á honum hvilt framfærslu- eða meðgjafarskylda gegn þeim.

3. Foreldrar hins látna.

Hljóti ekkja skaðabæturnar, skal að auki greiða 100 kr. fyrir hvert skilgetið barn innan 15 ára aldurs; enn fremur skal greiða óskilgetnum börnum innan sama aldurs 200 kr., er ekkja fær skaðabæturnar. Sje að eins um eftirlátin börn að ræða, ber hverju barni 100 kr. í viðbót; þó skal engin viðbótarupphæð greidd ef eitt barn fær skaðabæturnar.

Frá skaðabótunum, sem greiddar skulu vandamönnum, skal draga þá upphæð, er greidd hefir verið þeim sjálfum, er fyrir slysinu varð, samkvæmt a-lið.

Enginn skuldheimtumaður í dánarbúi eða þrotabúi hefir rjett til að skerða neitt skaðabætur þær, er greiddar eru samkvæmt þessum lögum, og ekki má leggja á þær löghald njé i þeim gera fjárnám eða lögtak.

#### 6. gr.

Skaðabótakrafa skal svo fljótt sem auðið er send sýslumanni (bæjarfógeta) eða hreppstjóra, áleiðis til sýslumanns, i síðasta lagi innan árs frá því slysið varð eða hlutaðeigandi vandamenn fengu vitneskju um það. Sýlmaður (bæjarfógeti) skal svo senda kröfuna hið fyrsta til stjórnar slysatryggingsjóðsins, ásamt nauðsynlegum upplýsingum.

#### 7. gr.

Undir eins og stjórn slysatryggingsjóðsins hafa borist nægar upplýsingar um slysið, úrskurðar hún hvort greiða skuli skaðabætur fyrir það og ákveður upphæð skaðabótanna. Úrskurðir sjóðsstjórnarinnar eru fullnaðar-úrskurðir.

#### 8. gr.

Slysatryggingsjóðnum skal stjórnað af 3 mönnum, er stjórnarráðið skipar til 3 ára í senn. Stjórnarráðið hefir yfirumsjón með stjórn sjóðsins. Kostnaðurinn við stjórn sjóðsins greiðist úr landssjóði.

#### 9. gr.

Landssjóður ábyrgist með alt að 30000 kr., að slysatryggingsjóðurinn standi í skilum. Slysatryggingsjóðurinn tekur við eignum og skuldbindingum váttryggingsjóðs þess, er stofnaður var með lögum nr. 53, 30. júlí 1909. Að óðru leyti eru þau lög úr gildi numin.

#### 10. gr.

Stjórnarráðið setur nánari reglur um framkvæmd laga þessara, að fengnum tillögum stjórnar slysatryggingsjóðsins.

#### 11. gr.

Brot gegn lögum þessum varða 5–100 kr. sektum, sem renna að hálfu í slysatryggingsjóð og að hálfu í sveitarsjóð, þar sem brotið er framið. Með mál út af brotum þessum skal farið sem almenn lögreglumál.

#### 12. gr.

Lög þessi öðlast gildi 1. júlí 1918.